

das wir in biewesen vnd durch rat der hernach benanten Hannsen vnnnd Hannsen Rewbere geuettere zu Kattaw gesessen vnsere manne vnd lieben getruwen fur sie, ire erben, erbnemen vnd vndertane nemlich zcu Kopicz^{a)} an einem vnd die burgermeistere, ratmanne vnd gancze gemeinde vnser stat Pirne an der Elben gelegen fur sie, ire erben vnd nachkomelinge auch vnsere lieben getruwen am andern teile vmb solche spenne, zwittracht vnd irretum, die sie danne bisher geineinander haben gehabt als von einer brucken wegen, die vorzeiten uber das wasser Wesenicz genant vnwendig der Bruckenmull gegangen, hernachmals von demselben wasser zurissen vnd abgegangen vnd nu von nuwes von der genanten vnser stat Pirne abwendig der Bruckenmull uber das genante wasser Weßnicz vnd an ein ander stat gelegt vnd gebuwet ist, vnd auch von der nuwen wege, die zcu der selben brucken durch den grund vnd boden des flures der armenlute zcu Copitsch hiuorgenant gemacht verzeichnet vnd mit reynen gemerket sind, mit irem wissen vnd willen fruntlich vnd gutlich voreint entscheiden vnd vorrichtet haben —, also das solche obgeschriben brucke mit iren wegen, in massen die iezund gebuwet vnd gemacht ist, hinfur zu ewigen zeiten also an allen intrag oder hindernuß Hannsen vnd Hausen Rewber hiuorgenant, irer erben, erbnemen, irer vndertan vnd sunderlich den von Copicz, der selbin erben vnd nachkomen oder sust meniglichs von iren wegen in wesen sein vnd blieben sol gancz ongeuerde. Vnd fur solch scheden, so die armenlute zcu Kopitsch bisher solcher obgerurter wege halben, die zcu der egenanten brucken — gemacht sind, empfangen, sie auch ire erben vnd nachkomen hinfur in ewikeit empfaen werden, haben wir gescheiden, das vnsere genante stat Pirne zu widderlegung vnd widderstatung solchs schaden den egenanten armenluten zcu Kopitsch zwelff schag nuwer missener groschen, der einer iezund funfzehen heller gild, an bereitem geld bezalt haben, doch vnschedlichen den vilgenanten Reubern vnd iren erben an iren gerichtten, die sie bisher zu Kopitsch gehabt vnd noch haben. Hie bie sind gewest er Caspar von Schonenberg techand zcu Missen, er Bernhard von Kochberg, er Hanns von Malticz, er Hanns von Schonenberg, er Heinrich von Bunaw rittere, Ott Spigel, Fridrich von Malticz vnd Hildbrand Truczscheler lantvoit vnsere rete vnd lieben getruwen. Des zcu rechter vrkund ist vnsere insigel an disen brieff gehangen, der geben ist zu Missen des donnrstags nach sent Symon vnd Juden tag anno domini millesimo CCCC. XLIIII^{to}.

Nach dem Orig. im Rathsarchiv zu Pirna. Das Siegel ist abhanden gekommen.

a) Copitz, Par. Pirna.

No. 119. 1445. Febr.

Kurf. Friedrich II. leihet Fritz Marschalk und Margaretha dessen Schwester das Angefülle des freien Hofes unterhalb des Schlosses, welchen Hans Karas und dessen Ehefrau besitzen.

Anno domini xc. quadragesimo quinto des fritags an sente Peterstag Cathedra gnant had myn herre herczog Friderich Friczen Marschalke vnd Margareten siner liplichen swester vnd iren libeslehinserben zu einem anefalle semptlichen gelihen einen